

# KIRINTÁNABA T'Ō NOJ NA'

XÚCH'OB, TE' U YÚTE  
PATANO'B T'Ō TAK'ÍN



Ti Méjiku u chinkán káche' u k'e'nán u k'inilesínte ni patano'b t'Ō tak'ino'b tan ch'ok k'inbitáro'b tan yina'yá, t'Ō jínda mach tsis u yub'kán ni patán t'Ō tak'ino'b ta káchikonerob, che'chi t'Ō jini ba'a ya'an káche'da útik xuch' tan ch'ímlón ta yina'yá.

*Tsají k'a útik:*



- Mach a jibe' cha'chikámba ochibá o korreujo'b ke a na'tán ke mach uts, che'chi mach a p'álin ts'ibi' ts'ajiro'b ke u yirbéneto'b ke yuxé u i'bénet un'p'é mátin o u irbéneto'b ke yaxé ti i'bínte cha'chikoné.
- Mach uts k'a a wik'e' un'p'é ts'ají ke u yire' káxuneret, a tarjétojo'b, o a wosén a k'ába' tan cha'chikámba ochibá ta Yina'yá ke mach uts o mach awí kidá a tirí.
- Yoko chinén ke upéte ts'ajiro'b ke u k'oté ta' k'ib u tuskí ni otótob tu tojá ko k'e'nesínte tak'ino'b.
- Si a jo'kánet t'Ō un'p'é otót ko k'e'nesínte tak'ino'b, yoko chinén si tutojá luke a wirbínte i chinén uts luke yaxé a p'álin.
- Ni otóto'b ta chónojo'b i otóto'b ko k'e'nesínte tak'ino'b MÁCHAXIRO'B u k'atbénet ni unlí'b káche' ánet t'Ō tak'ín o ts'ibo'b ta tarjétojo'b tan ch'aján o Yina'yá te' mach ané ya'ánet a tik'e' a chen, uts k'a bixíket ka'áno'b unéro'b.

K'ajti'ín ke najtikí ke yaxé a k'inilesán cha'chikámba ochibá ta tak'ino'b uts k'a a chinén i sike' chuné u yire' jínba otót ta tak'ino'b i a yina'tán chuné u yúte k'a jápíntik a tak'ino'b.

## ¡UBÍN TS'AJÍ I KIRINTÁNABA T'Ō XÚCH'OB!